

Sikorsuaqarnerata malitsigisaanik Kujataani takornialerineramik inuussutissarsiuteqartunut ikiorsiissutininut atatillugu aningaasaliissutinit qinnuteqarnermut, ikiorsiissuteqarnermut aamma allaffissornikkut aqutsinermut najoqqutassat xx. december 2024-imeersut

09-12-2024
Suliap normua 2024-
14146

Postboks 1601
3900 Nuuk
Oqara. (+299) 34 50 00
E-mail: isiin@nanoq.gl
www.naalakkersuisut.gl

Aningaasanut Inatsimmi kontomut pingaarnermut 67.03.08-imut oqaasertaliussat malitsigisaanik sikorsuaqarnerata malitsigisaanik Kujataani takornialerineramik inuussutissarsiuteqartunut ikiorsiissutininut atatillugu aningaasaliissutinit qinnuteqarnermut, ikiorsiissuteqarnermut aamma allaffissornikkut aqutsinermut najoqqutassat xx. september 2024-imeersut aalajangersarneqarput.

Inatsisartut Aningaasaqarnermut Akileraartanermullu Ataatsimiititaliaata akuersineratigut Naalakkersuisut ikiorsiissutininik pilersitsippot, ikiorsiissutillu immikkut ittumik sikorsuaqarnerani Kujataani takornialerineramik inuussutissarsiuteqarnermi suliffeqarfiit ingerlaannarnissaat ikorfartussavaat.

1 Piumasaqaatit nalinginnaasut

A. Kujataani takornialerisut akornanni angallassisunut takornialerisunullu, kiisalu assigiinnik suliaqarfinnut assingusunut assersuutigalugu neriniartarfiutilinnut unnuisarfiutilinnullu, kiisalu takornarianut sammititamik atugassanik pisiniarfiutilinnut (assersuutigalugu tammajuitsuerniarfinnut), sikorsuaqarnerata kingunerisaanik toqqaannartumik nioqqutissat aningaasatigut kaaviaartinneqartut appariarsimanerannik uppernarsaasinnaasunut, sikorsuaqarnerani ikiorsiissutit sammitinneqarput.

- i. Kommune Kujallermi angerlarsimaffeqarnini, immaluunniit suliffeqarfiup suliniutaasa ataatsimoortut 80 %-iisa Kommune Kujallerminnerat, suliffeqarfiup qinnuteqarsinnaatitaasup takutissinnaassavaa.

- ii. Takornarialerinermetik imaluunniit assigiimmik suliaqarfimmi qanittumi toqqaannartumik takornarianik sullissinermetik, suliffeqarfik qinnuteqarsinnaatitaasoq pingaarnertut suliaqassaaq.
- iii. Piffissamut qinnuteqarfiusumut, aningaasat kaaviaartitat minnerpaamik 20 %-imik appariarsimanerat suliffeqarfiup qinnuteqarsinnaatitaasup uppersarsinnaassavaa.

B. Suliffeqarfinnut qinnuteqarsinnaatitaasunut aningaasanik taartisiaqartitsinissamik aqqissuussineq ikiorsiissutit imaraat. Piffissami 1. januar-imiit 30. september 2024 ilanngullugu tapiissutinik qinnuteqartoqarsinnaavoq.

- i. Tulliuttunut taartisiaqartitsinissaq qinnutigineqarsinnaavoq:
 - a. Sikorsuaqarnerata malitsigisaanik taamaatiinnartitsinerit pissutigalugit isertitanut annaaneqartunut matussutissat
 - b. Suliffeqarfiup aalajangersimasumik aningaasartuutaanik matussutissat
- ii. Qaammatisiutini qaammatit ilivitsut ataasiakkaarlugit taartisiaqartinneqarnissamik qinnuteqartoqarsinnaavoq.

C. Suliffeqarfimmut ataatsimut piffissami tapiissuteqarfiusinnaasumi tapiissutit katillugit annerpaamik 2.000.000 kr.-iusinnaapput, taamaattoq qaammammut annerpaamik 500.000 kr.-iusinnaallutik.

D. Aningaasanut Inatsimmi aningaasaliissutinik atorneqarsimanngitsunik suli peqartillugu taamaallaat tapiisoqarsinnaavoq.

E. Pisortat aqqissuussinerinit arlalinnit aningaasartuutitut taakkununga matussutissanik qanorluunniit pissarsisoqarsinnaanngilaq.

F. Aningaasanut killiliussat suliffeqarfinnut tamanut, suliffeqarfiit ingerlatseqatigiiffissuarnut atasut pillugit malittarisassat imaluunniit Aktie aamma anpartsselkabit pillugit inatsisip Kalaallit Nunaanni atulersinneqarnera pillugu peqqussummi (ingerlatseqatigiiffinnut inatsimmi) tunngaviit malillugit ingerlatseqatigiiffinnut, toqqaannartumik toqqaannangikkaluartumilluunniit piginnittuimmit taassuminnga pigineqartunut, ingerlatseqatigiiffissuarnut atasunut, aningaasanut killiliussat atuupput.

G. Ingerlatseqatigiiffiup aappaa imaluunniit taassuma qanigisaa, toqqaannartumik toqqaannangikkaluartumilluunniit, ingerlatseqatigiiffiup aappaata aningaasaataanik annertuumik pigisaqarpat, imaluunniit ingerlatseqatigiiffiit taakku marluk aningaasaataat annertuut toqqaannartumik toqqaannangikkaluartumilluunniit inummit taassuminnga imaluunniit ingerlatseqatigiiffimmit imaluunniit inunnit imminnut qanittunit pigineqarpata imaluunniit akiliisinnaajunnaarnej pillugu inatsisip Kalaallit Nunaannut atuutilersinneqarnera pillugu peqqussummi tunngaviit malillugit, assigiinnik suliaqarfiup taassuma iluani aamma/imaluunniit assigiimmik suliaqarfinni assingusuni, aningaasanut killiliussaqaq ingerlatseqatigiiffinnut marlunnut arlalinnuunniit atuuppoq.

2 Tapiiffiqineqarnissamut piumasaqaatit

- A. Suliffeqarfik Kommune Kujallermi angerlarsimaffeqartut CVR-imi nalunaarsorneqassaaq, kiisalu sikorsuaqarnerani toqqaannartumik ilaatinneqassalluni. Immikkoortut P-t CVR-ip ataaniittut amerlassusaat apeqqutaatinnagit, CVR-it normui tamarmik immikkut qinnuteqaatit 1-itut isigineqassapput. Immikkoortut P-t immikkut qinnuteqaateqarsinnaanngillat.
- i. Suliffeqarfiit Kalaallit Nunaanni kommunini allani nalunaarsorneqarsimasut, suliffeqarfiup suliniutaasa 80 %-ii Kommune Kujallermiittut takutissinnaagunikkit, qinnuteqarsinnaatitaasinnaapput.
- B. Pisortat suliffeqarfiutaat, matumani aktieselskabit namminersorlutik oqartussanit- imaluunniit kommuninit pigineqartut ilanngullugit, aaqqissuussinermik atuisinnaanngillat. Pisortat suliffeqarfiutaattut paasineqassapput suliffeqarfiit tamarmik, tassani pisortat toqqaannartumik toqqaannanngikkaluartumilluunniit piginnittuullutik imaluunniit allatut suliffeqarfimmik 49 % sinnerlugu nakkutiginnittuullutik. Taakku suliffeqarfiit nalinginnaasumik ataatsimut ingerlatsinerminnut aningaasartuutimik affaat inorlugit pisortanit tapiissutitut pisarpatigit, aaqqissuussineq aammattaaq peqatigiiffinnut, fondinut aamma suliffeqarfinnut imminnut pigisunut aammattaaq atuuppoq.
- C. Qinnuteqartup pingaarnertut isertitai namminersorluni sulinermit pippata, suliffeqarfinnik inuttut nammineq pigineqartunik piginnittut sulisoqanngitsut taamaallaat qinnuteqarsinnaatitaapput. Taakku sinneqartooruteqarnissap anguneqarnissaa siunertaralugu inuussutissarsiuteqarnermik ingerlatsineq pingaarnertut siunertaralugu suliaqarpata, taamatutaaq suliffeqarfiit allat, fondit, peqatigiiffiit il.il. taamaallaat qinnuteqarsinnaatitaapput.
- D. 2022-imi 2023-imilu piffissap assingani 2024-imi piffissami januaarimiit september ilanngullugu aningaasanik kaaviaartitsinermi ajunaaruteqarsimalluni suliffeqarfiup uppersarsinnaasariaqarpaa. Isertitat tamarmik naatsorsuinermi ilanngunneqassapput, Inuussutissarsiutilinnut ikiorsiissutit tapiissutillu allat ilanngullugit.
- E. Suliffeqarfiit nutaajunerusut, ukiuni siuliini kaaviiartitsinerminnik annaasaqarsimanermik uppersarsinnaanngitsut, aamma tapiissutinik pisinnaapput.
- F. Suliffeqarfiup aqutsisui kiisalu piginnittui, akileraartarnermut inatsisunik unioqqutitsisimasut imaluunniit ukiuni kingullerni 5-ni Kalaallit Nunaanni pinerluttulerinermi inatsimmi aningaasatigut pinerluuteqarsimaneq pillugu aalajangersakkanik ukioqqutitsisimasut eqqartuunneqarsimassanngillat.

3 Toqqaannartumik taamaatitsiinnarnernut taartisiaqartitsinerit

- A. Aningaasanit kaaviaartitanit ajunaarutit uppersarneqartut 70 %-ii tikillugit taartisiaqartitsisoqarsinnaavoq.
- B. Sullissat taamaatitsiinnarnerannik, kisianni inniminniinerisa uppersarneqarsimagaluartut taamaatiinnarneqarnerannik, imaluunniit aningaasat kaaviiartinneqartut allanngorartuunngitsuunerannik uppersarneqarsinnaasuni tassanngaannartumik appariarnerup, sikorsuaqarneranut erseqqissumik atassuteqartup takutinneqarneranik, uppersaait iluseqarsinnaapput.

4 Aalajangersimasumik aningaasartuutitut ikiorsiissutit

- A. Aalajangersimasumik aningaasartuutitut tapiisoqarsinnaavoq, matumani assersuutigalugu ineqarnermut akiliutit, ernianut aningaasartuutit aamma piffissami aningaasartuutit isumaqatigiissuteqarnermut atasut taamaatinneqarsinnaanngitsut (assersuutigalugu attartorneq), aalajangersimasumik sulisut akissarsiaat, il.il.
 - i) Naatsorsuutini aningaasat isertitat atortitallu assiginnerisa allatorneqarneri, assersuutigalugu taarsigassarsianut taarsersuutit, nalikilliliinerit- aamma appartitsinerit aamma pisussaaffiit immikkoortinneqartut, aalajangersimasumik aningaasartuutitut paasineqanngillat.
- B. Piginnittuut qanigisallu namminerisaminnik aningaasartuutaannut aaqqissuussineq ilaatinneqanngilaq, soorlu akeqanngitsumik ineqartitaanerit, akeqanngitsumik biileqartitaanerit, akeqanngitsumik oqarasuaateqartitaanerit, sulinnigiffeqarnermi- aamma akiliunneqarluni angalanerit il.il. ilaatinneqanngillat.
- C. Immikkoortuni 1.F-imi aamma 1.G-mi nassuiarneqartutut, ingerlatseqatigiiffissuup iluani aningaasartuutit aamma ingerlatseqatigiiffinnut piginnittuinnit (qanigisaasut ilanngullugit) taakkunanga pigineqartunut aningaasartuutit, taakku niueqatigiinnikkut atugassarititaasunut naapertuuppata, taamaallaat ilaatinneqarsinnaapput. Isumaqatigiissutinit, pisiat allagartaannit assigisaannillu takussutissianit attuumassuteqartunit aalajangersimasumik aningaasartuutit uppersarneqassapput. Aningaasartuutit qaammatikkaartumik akilerneqarneq ajortut, agguaqatigiissillugu qaammammut aningaasartuutitut naatsorsorneqassapput.
- D. Aalajangersimasumik aningaasartuutit agguarneqarnerat taartisiartinneqartoq, aningaasatut kaaviiartinneqartutut annaaneqartutut naatsorsorneqarsimasut assigaat, taamaattoq aalajangersimasumik aningaasartuutit annerpaamik 80 %-rissallugit. Aningaasat kaaviiartitat

appariarnerat assersuutigalugu 45 %-iuppat, aalajangersimasumik aningaasartuutit 45 %-ii taartisiaritinneqassapput.

- E. Pisuni sulisoq akissarsitinneqarsimappat, kisianni sikorsuaqarnera pissutigalugu angerlartinneqarsimappat, akissarsiatut aalajangersimasumik aningaasartuutit matussuserneqarnerat sulisut akissarsiaasa 100 %-iannik taartisiarititsissutaassaaq.
- F. Sulisumut ataatsimut annerpaamik taartisiaritinneqarsinnaasut qaammammut 30.000 kr.-iuppat. Nalunaaquttap akunnermusiaqartunut sapaatip akunneranut nalunaaquttap akunneri 40-t tikillugit annerpaamik taartisiaritinneqarsinnaapput. Nalunaaquttap akunnermusiaq nalinginnaasumik niueqatigiinnikkut atugassarititaasunut naapertuuttumik aalajangerneqarsimassaaq.

5 Qinnuteqarneq uppernarsaanerlu

A. Ikiorssiisutit Nalik Ventures A/S-imit (Nalik Ventures-imit) allaffissornikkut suliarineqassapput.

B. Tapiissutininik tunineqarnissaaq pillugu qinnuteqaat Nalik Ventures-imit nassiunneqassaaq. Paasissutissat attuumassuteqartut tamaasa tiguneqarsimatinnagit, qinnuteqaat tiguneqarsimanngitsutut nalilerneqassaaq.

C. Qinnuteqarnermi uppernarsaalluni atsiorneq, kiisalu paasissutissanik pissarsiniarnermut isumaginninnermullu atatillugu akuersissuteqarneq tunniunneqassaaq.

D. Piumasaqaatit tamaasa naammassineqarsimanerat qulakkeerniarlugu, matumani suliffeqarfiup akuersissutininik attuumassuteqartunik pigisaqarnera ilanngullugu, Nalik Ventures-ip paasissutissat allat tunniunneqarnissaat piumasaqaatigisinnaavaa.

E. Qinnuteqaammut atatillugu ullut 14-it qaangiunneranni tamanna pillugu inassuteqarnerup kingorna, qinnuteqartoq uppernarsaatininik amigaatigineqartunik nassiussimanngippat, Nalik Ventures-ip qinnuteqaat itigartitsissutigisinnaavaa.

6 Akiliineq

A. Qinnuteqaatit pillugit Nalik Ventures aalajangiippat, tapiissutininik akiliineq pissaaq.

7 Nakkutilliineq utertitsinerlu

A. Tapiissutininik ajornartoornermilu taarsigassarsianik akiliinermut piumasaqaatitut, tamatuma kingorna aningaasat akilerneqartut nakkutilliivigineqarnissaat siunertarlugu, suliffeqarfik

piumasaqarfigineqarnermigut paasissutissanik Nalik Ventures-imit tunniussissaaq.

B. Akissarsiat taartisjaritinneqarnissaannut piumasaqaatit, tamatuma kingorna aningaasat akilerneqartut nakkutilliivigineqarnissaat siunertaralugu piumaffigineqarnermigut suliffeqarfiup paasissutissat Naalakkersunut tunniutissavai.

C. Taartisiat, tapiissutit imaluunniit taarsigassarsiat eqqortumik tunngaveqarluni tigineqarsimanerat pillugit naatsorsuuserisumit nalunaarut Naalakkersuisut piumasaqaatigisinnaavaat.

- i. Aningaasaliissutit aningaasaliissutigineqarsimasut pillugit naatsorsuuserisumik akuerisaasumik atuermikkut Naalakkersuisut nakkutilliinermik suliaqarsinnaapput.

D. Tulliuttunik pisoqartillugu aningaasat tunniunneqarsimasut tamakkiisumik imaluunniit ilaannakoortumik utertinneqarnissaat Naalakkersuisut piumasaqaatigisinnaavaat:

- i. aningaasanik tunniussinermut pissutaasut pingaarutilimmik allanguuteqarsimappata.
- ii. suliffeqarfik paasissutissanik eqqunngitsunik tunniussisimappat imaluunniit naak suliffeqarfik paasissutissat tunniunneqarsimasut pillugit ajortussamik isumaqarsimanngikkaluartoq, suliap aalajangiiffigineqarnissaanut paasissutissanik pingaarutilinnik nipangiussisimappat.
- iii. Uppernarsaatit piumasaqaatigineqartut Nalik Ventures-ip piffissaliussaata naannginnerani nassiunneqarsimanngippata imaluunniit uppernarsaatit nassiunneqarsimasut naammannngippata.

E. Suliffeqarfik paasissutissanik eqqunngitsunik tunniussisimappat, imaluunniit allakkut suliamik suliarinninnerup kukkusumik ingerlanissaa misilissimappagu, Kalaallit Nunaanni Pinerluttulerinermik inatsit, inatsit nr. 306, 30. april 2008-meersoq malillugu pineqaatissiisoqarnissaata aallartinneqarnissaa siunertaralugu Nalik Ventures imaluunniit Naalakkersuisut Politiinut nalunaarutiginnissapput.

F. Tapiissutit akilerneqarsimasut Akileraartarnermut Aqutsisoqarfimmut nalunaarutigineqassapput.

8 Suliassanik suliarinninnermut malittarisassat

A. Ikiorssiissutit tapiissutit pillugit qinnuteqaatinik allaffissornikkut suliaqarneq suliarinninnerlu Nalik Ventures-imit suliarineqassaaq. Aningaasaliinissamut ataatsimiititaliami Innovation South Greenland ilaavoq. Qinnuteqaatit inaarutaasumik aalajangiiffigineqarnerat Nalik Ventures-imit aalajangerneqassaaq.

B. Ikiorssiissutit Nalik Ventures-imit allaffissornikkut aqunneqarnerannut Pisortat ingerlatsineranni suliassat suliarineqartarnerat pillugu Inatsisartut Inatsisaat nr. 8,

13. juni 1994-imeersoq, tassungalu kingusinnerusukkut allannguutit, kiisalu aningaasaliinissamut ataatsimiititaliami Innovation South Greenland-ip peqataaneranut atorneqassapput.

C. Ikiorsiissutit Nalik Ventures-imit allaffissornikkut aqunneqarnerannut, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq atorneqassaaq.

D. Ikiorsiissutit pillugit Nalik Ventures-ip aalajangiineri aalajangiinerup aalajangiiffiqineqarnerata kingorna sapaatit akunnerisa 4 iluanni Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfimmut isiin@nanoq.gl-ikkut naammagittaalliuutigineqarsinnaapput.